



## 's Glick.

's Glick! Do schtellt sich e mancher vor  
E Weibsbild in lange goldige Hoor,  
Deß immer lacht un deß immer singt  
Un grad oft de Dimmschde sei<sup>n</sup> Sache bringt.  
Deß mit so wenig wie meeglich Klääd,  
Daß unßerähns sich scheniere deht.  
Fra<sup>n</sup>gema<sup>n</sup> iwwer die Schtroße geht  
Un sei<sup>n</sup> Gawe ball do, ball dort ausschträäd.  
Die ähnde sa'n dann noch: Es Glick wer blind;  
Wahrscheins weil 's de Weg zu ihne net findt.  
Un annere wirrer behaubden fescht:  
Deß Glick werd ald, es heert nimmi recht.  
Es kummt net, wie mer aah geruf und gewunt. —  
Es gebd hald Reid, die kriehen nie genunt.  
Die allminizigenanner, die Reid,  
Die hänn jo kää<sup>n</sup> Ahnung, waß 's Glick bedeit.  
Wie wenig mer braucht in dere Wold voll Schei<sup>n</sup>,



Um glücklich se mache, um glücklich se sei".  
 Bedracht der nor mol so e klä"nes Kind,  
 Wann deß so e Rätwer, e Blimche findt,  
 Un gar, wans so recht im Sand kann wiehle,  
 „Bäckowe baue" un „Häsjer schbiele",  
 Wie's jugst un mit 'm ganze Gesicht do lacht,  
 Wie leicht iß so e Krubbes glücklich gemacht. —  
 Recht haschde jo, Freind, im menschliche Dreiwē  
 Kammer net immer e Kind so bleiwe;  
 Doch ebbes kennen mer, wammer mer nor wolle:  
 In all dem Kenne, Ja'e un Dolle  
 Noh 'm Glick un alles, waß dehinner,  
 & Beischbiel uns nemme an de Rinner  
 Un net gar so viel vum Bewe verlange,  
 Dann brauchts em um 's Glicklichsei" net se bange,  
 Dann wer sefriere mit sei"m Geschick,  
 Wääs Gott, der hat es richtige Glick.

